



REPUBLIKA E KOSOVËS / REPUBLIKA KOSOVA

PA1.nr. 1569/22

NË EMËR TË POPULLIT

GJYKATA E APELIT E KOSOVËS - Departamenti i Pergjithshem, në kolegjin e përbërë nga gjyqtarët Kadrije Goga Lubishtani, kryetare e kolegjit, Abdullah Ahmeti dhe Skender Çoçaj, anëtarë, me praktikantin gjyqesor Arben Arifi, si procesmbajtës në lëndën penale ndaj të akuzuarit F.Sh., nga Gjilani, për shkak të veprës penale Sulmi nga neni 184 par.1 të KPRK-së, për të vendosur sipas ankesës së Prokurorisë Themelore në Gjilan, të ushtruar kundër aktgjykimit të Gjykatës Themelore në Gjilan, P.nr.735/22 të datës 30.08.2022, në seancën e kolegjit të mbajtur më datë 22 Janar 2024 mori këtë:

A K T G J Y K I M

Refuzohet si e pabazuar ankesa e Prokurorisë Themelore në Gjilan, ndërsa aktgjykimi i Gjykatës Themelore në Gjilan, P.nr.735/22 të datës 30.08.2022, **VËRTETOHET**.

A r s y e t i m

Me aktgjykimin e Gjykatës Themelore në Gjilan, P.nr.735/22 të datës 30.08.2022, i akuzuari F.Sh., është shpallur fajtor për shkak të veprës penale, Sulmi nga neni 184 par.1 të KPRK-së, për të cilën i është shqiptuar dënimi me burgim në kohezgjatje prej 60 (gjashtëdhjetë) ditëve e me pëlqimin e të akuzuarit dënimi me burgim i është zëvendësuar në dënim me gjobë në shumë prej 800 (tetëqind) euro e të cilën gjobe është i obliguar që ta paguajë pas plotfuqishmërisë së këtij aktgjykimi, në të kundërtën dënimi me gjobe do t'i zëvendësohet në dënim me burgim ku për çdo 20 euro të gjobës do t'i llogaritet 1 (një) ditë burgim.

Në dënimin e zëvendësuar me gjobë do t'i llogaritet edhe koha e qëndrimit në paraburgim nga data 25.07.2022 deri me 16.08.2022.

I dëmtuari E.E., për realizimin e kërkesës pasurore juridike është udhëzuar në kontest të rregullt civil.

I akuzuari është obliguar që t'i paguaje shpenzimet e procedurës penale që dalin sipas llogaritës përfundimtare të gjykatës, në emër të paushallit gjyqësor shumen prej 20 (njëzet) euro, si dhe për fondin e kompensimit të viktimave të krimit shumen prej 20 (njëzet) euro, e të gjitha këto në afat prej 15 ditësh pas plotfuqishmërisë së aktgjyqimit.

Kundër këtij aktgjykimi në afatin ligjor ankese ka ushtruar :

Prokuroria Themelore në Gjiçan, për shkak të vendimit mbi sanksionin penal, duke propozuar që aktgjykimi të ankimuar të gjykatës së shkallës së parë të ndryshohet, dhe të akuzuarit të veprën penale për të cilën është shpallur fajtor të i shqiptohet dënimi në i lartë me burgim, e të cilin dënimi do të ishte proporcional me peshën e veprës penale të kryer, pasojat e shkaktuara me veprën penale si dhe rrezikshmërinë shoqërore të veprës penale.

Prokurori i Apelit të Kosovës, duke u shprehur përkatësi me ankesën e Prokurorisë Themelore në Gjiçan, me shkresën e vet PPA.II.nr. 1607/2022 të datës 07.11.2022 ka propozuar që Gjykata e Apelit të Kosovës, ankesën e Prokurorisë Themelore në Gjiçan ta aprovojë si të bazuar, ndërsa aktgjykimi të ankimuar të gjykatës së shkallës së parë të ndryshohet dhe të akuzuarit të i shqiptohet dënimi me i lartë se sa dënimi i shqiptuar nga ana e gjykatës së shkallës së parë.

Gjykata e Apelit mbajti seancën e kolegjit në pajtim me nenin 390 paragrafi 1 të KPPRK-së, për të cilin nuk i ftoi palët në rastin konkret kemi të bëjmë me dënimi me burgim të zëvendësuar në dënimi me gjobë dhe pretendimet ankimore janë vetëm lidhur me sanksionin penal andaj prezencës së palëve nuk është e obliguar.

Kolegji penal i Gjykatës së Apelit të Kosovës, konform nenit 394 par.1 të KPPK-së i shqyrtoi shkresat e lëndës, vlerësoi aktgjykimin e ankimuar, pretendimet ankimore të Prokurorisë Themelore në Gjiçan, dhe gjeti se:

- Ankesa nuk është e bazuar.

Edhe pse aktgjykimi i gjykatës së shkallës së parë nuk ankimohet për shkak të shkeljeve esenciale të dispozitave të procedurës penale, megjithatë Gjykata e Apelit të Kosovës të njëjtin e shqyrtoi në këtë aspekt sipas detyrës zyrtare konform nenit 394 të KPPRK-së dhe konstatoi se nuk përmban shkelje esenciale të dispozitave të procedurës penale, e as shkelje të ligjit penal e të cilat kishin me kushtëzuar anulimin e tij.

As gjendja faktike nuk ka qenë objekt shqyrtimi ngase i akuzuari gjatë shqyrtimit fillestar të datës 16.08.2022 në bazë të nenit 242 të KPPRK-së ka pranuar fajësinë për veprën penale për të cilën është akuzuar, i cili pranim është bërë në mënyrë vullnetare nga i akuzuari. Pranimi i fajësisë ka mbështetur në faktet që përmban aktakuza dhe provat që gjenden në shkresat e lëndës. Nga një gjendje e tillë e vërtetuar faktike del që në rastin konkret drejtë është aplikuar edhe ligji penal.

Sa i perket vendimit mbi sanksionin penal Prokuroria Themelore ne Gjilan, me ankesë pretendon se Gjykata e shkalles se pare me rastin e shqiptimit te denimit me burgim e me pëlqimin e të akuzuarit të zëvendësuar ne dënim me gjobë, i ka mbivlerësuar rrethanat lehtësuese si pranimin e fajësisë per veprën penale te kryer, pendimin, keqardhjen, premtimin se ne te ardhmen nuk do te kryej vepra penale mirepo nuk i ka vlerësuar rrethanat renduese si faktin se vepra penale eshte kryer ne vend publik, shkalla e lartë e dashjes per kryerjen e veprës penale, e sikur këto rrethana te ishin vlerësuar ne menyre te duhur eshte dashur qe te akuzuarit te i shqiptoje dënim më të lartë me burgim e i cili do te ishte ne proporcion me shkallen e rrezikshmerise, menyren e kryerjes si dhe pasojen e shkaktuar dhe se me denimin e shqiptuar nga ana e gjykates se shkalles se pare nuk mund te arrihet qellimi i denimit i parapare me nenin 38 te KPRK-se, andaj ka propozuar qe ankesa e Prokurorise Themelore ne Gjilan te aprovohet si e bazuar.

Gjykata e Apelit e Kosoves, vlerësoi pretendimet ankimore të Prokurorise Themelore ne Gjilan lidhur me sanksionin penal per shqiptimin e dënimit më të lartë me burgim dhe pas vleresimit te njejtës, dhe duke i patur parasysh rrethanat e cekura më lartë dhe rrethanat e rastit konkret, Gjykata e Apelit konstaton se Gjykata e shkalles se pare drejte dhe ne menyre te plote i ka vlerësuar rrethanat lehtësuese dhe renduese nga neni 69 dhe 70 te KPRK-se te cilat ndikojnë ne llojin dhe lartësinë e dënimit, andaj konstaton se denimi i shqiptuar me burgim e me pëlqimin e të akuzuarit i zëvendësuar ne dënim me gjobë nga ana e gjykates se shkallës së parë eshte në harmoni me shkallën e përgjegjësisë penale të akuzuarit dhe rrezikshmërinë shoqërore të veprës penale të kryer, andaj e refuzoi si te pabazuar ankesën e Prokurorise Themelore ne Gjilan për shqiptimin e denimit më të lartë me burgim, duke e vërtetuar aktgjykimin e Gjykates se shkalles se pare, e me bindje se me denimin e shqiptuar nga ana e Gjykates se shkalles se pare, do të arrihet qëllimi i dënimit i paraparë me nenin 38 të KPRK-së, respektivisht parandalimi i kryerësve nga kryerja e veprave penale në të ardhmen, të bëhet rehabilitimi i saj, parandalimi i personave tjerë nga kryerja e veprave penale dhe ngritja e moralit për respektimin e ligjit.

Nga arsyet e cekura më lartë, e në bazë të nenit 401 të KPPRK-së u vendos si në dispozitiv të këtij aktgjykimi.

GJYKATA E APELIT E KOSOVËS
PA1.nr.1569/22 më 22.01.2024

Procesmbajtësi
Arben Arifi

Anëtarët e kolegjit
Abdullah Ahmeti

Kryetare e kolegjit
Kadrije Goga Lubishtani

Skender Çoçaj